

МИНИИ ШЭНЭЭН БОЛОХОДОНЬ...

Хоёртойхон Сэрэн хүбүүн гэр соогуураа мүлхин, машинаа иишэ тиишэнь түлхинэ. Шэб шэнэхэн машинань сонхоор шагаанан наранай туяа доро элдэб найхан үнгөөрөө яларжа, бишихан эзэндээ баяр түрүүлэн, заахан мөөрнүүдээрээ торшогоносо мухарина.

Гэнтэ Сэрэн абяагүй боложо, машинаа носошобо. Гайхаан эжынь хүбүүнэйнгээ арадань нэмээхэн зогсожо хараба ха. Сэрэн машина соогоо орохоёо һанандал, эндэһэньшье, тэндэһэньшье шагаана. Эрьюулээдшье, урбуулаадшье, табяадшье, үргөөдшье, машинынгаа досоонь орожо ядан тухашаржа һуутараа, арадань абяагүй зогсоһон эжыгээ гэнтэ обёоржорхибо.

— Эжы, би мүнөө энэ шэнэ машинада һууха гээд багтанагүйб. Машинынгаа ехэ, минии шэнээн иимэ томо болоходонь, би досоонь орожо һуугаад гүйлгэхэб. Эжы, хожулан һуугаад, хүгшэн эжы, абадаа ошохобди. Ехэ-үү даа бэлэг абаашадаг болохобди,— гээ һэн.